

## **Mga Bulak sa Mayo**

**Gardeopatra Quijano**

Sayo ganina akong gisabulak  
Mga hunahuna ko kanimo,  
Matam-is sama sa mga bulak  
Nga namuklad sa bulan sa Mayo.

Gipalupad ko nganha kanimo  
Ang tingog sa akong kasingkasing ;  
Dakpa sa imung mga kamut, oh!  
Tan-awa ang iyang kahamilsing.

Ipadala usab diri kanako  
Ag hulagway sa imung kamingaw,  
Kay ibutang ko tupad sa ako  
Aron tubilan sa matahum bangaw.

Ug ipahatud sa mga balud,  
Diro nako sa laing baybayon  
Ang maitum ug mabagang panganud  
Nga kanimung masulub-on.

Ugma inigsubang na sa adlaw,  
Ang dakung dagat atong pahubson ;  
Buliton ta ang tanang mga linaw,  
Tabunan ta sa yuta ug dahon.

Aron wa nnay makaylang kanato  
Madungog ko na ang imong tingog  
Ug masud-ong mo na unya ako,  
Ah! kita mao ang mananaug!